

Erindisbréf hafnar- og atvinnumálaráðs

1.gr.

Hafnar og atvinnumálaráð, sem starfa samkvæmt V. kafla sveitarstjórnarlaga nr. 138/2011 telst til fastanefnda Bolungarvíkurkaupstaðar. Hafnar- og atvinnumálaráð fer með hafnarmál samkvæmt hafnalögum nr.61/2003 og undir hana heyrir rekstur Bolungarvíkurhafnar.

2. gr.

Um störf hafnar- og atvinnumálaráðs gilda ákvæði V. kafla sveitarstjórnarlaga nr. 138/2011 og ákvæði samþykktar um stjórn Bolungarvíkurkaupstaðar.

Erindisbréf þetta byggir að auki á ákvæðum stjórnsýslulaga nr. 37/1993 og eftir atvikum ákveðum annara laga og reglugerða sem ná til málaflokka hafnarmála. Hafnar- og atvinnumálaráð skal við undirbúning mála og stjórnvaldsákvæðana gæta þess að farið sé að stjórnsýslulögum og reglum um vandaða stjórnsýslu.

Ef það er misræmi milli efnis erindisbréfs, annars vegar, og laga, reglna og samþykktar Bolungarvíkurkaupstaðar, hins vegar, skulu hinar síðarnefndu reglur gilda.

3. gr.

Hafnar- og atvinnumálaráð Bolungarvíkur er kosin af bæjarstjórn Bolungarvíkurkaupstaðar. Hafnarstjórn er skipuð fimm fulltrúum í samræmi við 47. gr. B1 samþykktar Bolungarvíkurkaupstaðar og jafnmörgum til vara. Bæjarstjórn kýs formann hafnar- og atvinnumálaráðs.

4. gr.

Bæjarstjóri er jafnframt hafnarstjóri og er starfsmaður ráðsins. Hann undirbýr og boðar fundi ráðsins í samráði við formann. Hann ber ábyrgð á að samþykktum og ákvörðunum ráðsins sé hrint í framkvæmd. Hafnarstjóri og eða staðgengill hans situr fundi og hefur þar málfrlsi og tillögurétt.

5. gr.

Hafnar- og atvinnumálaráð skal innan valdssviðs síns gæta hagsmuna Bolungarvíkurhafnar og atvinnumála í sveitarfélaginu. Hafnar- og atvinnumálaráð hefur ákvörðunarvald um rekstur hafnarinnar, svo sem ráðstöfun á aðstöðu, þ.m.t. leiga á húsnæði í eigu hafnarinnar og landi hennar.

Hafnar- og atvinnumálaráð veitir leyfi til starfsemi á hafnarsvæðum og hefur vald til að banna eða takmarka afnot hafnarsvæða fyrir starfssemi sem hún telur torvelda eðlilega hafnarstarfssemi.

Hafnar- og atvinnumálaráð gerir tillögur til bæjarstjórnar varðandi skipulagsmál hafnarinnar enda hafi tillögurnar fengið umfjöllun í umhverfismálaráði. Byggingarmál á hafnarsvæði skal fá umfjöllun hafnar- og atvinnumálaráð áður en þau eru lögð fyrir bæjarstjórn.

6. gr.

Helstu verkefni hafnar- og atvinnumálaráð:

- vera bæjarstjórn til ráðgjafar um hafnarmál og atvinnumál, þ.m.t. sjávarútvegsmál og önnur mál er snúa að uppbyggingu atvinnumála í bæjarfélaginu.
- gera tillögur til bæjarstjórnar um markmið í hafnarmálum sveitarfélagsins
- vinna að stefnumótun og framtíðarsýn Bolungarvíkurhafnar.
- starfa með hafnarstjóra að þeim málum sem undir stjórnina heyra.
- gera tillögur um úrbætur í þeirri starfssemi sem undir hana heyrir.
- gera tillögur til bæjarstjórnar að gjaldskrá fyrir Bolungarvíkurhöfn.

7. gr.

Fulltrúa er skylt að sækja alla fundi nema lögmætt forföll er að ræða, svo sem önnur brýn skyldustörf eða veikindi. Geti fulltrúi ekki sótt fund skal hann boða varamann í sinn stað. Fundir skulu haldnir á tveggja mánaða fresti en oftast ef þörf krefur. Formaður ráðsins hefur vald að taka ákvörðun um að fella niður fund ef hún byggir á málefnalegum ástæðum. Til fundar telst löglega boðað hafi allir atkvæðisbærir fulltrúar eða/og varamenn í forföllum aðalmanna svo aðrir sem seturétt eiga á fundinum, verið boðaðir með minnsta kosti tveir sólarhrings fyrirvara með skriflegri dagskrá.

Komi upp mál sem krefst skjótrar úrlausnar ráðsins getur fyrirvari um boðun verið skemmri. Heimilt er að taka mál til meðferðar í ráðinu þótt það sé ekki tilgreint í dagskrá en tilkynna skal það í upphafi fundar. Þó er skylt að fresta afgreiðslu slíks máls ef einhver ráðsmanna óskar þess.

Fundur er lögmætur ef löglega er til hans boðað og meira en helmingur atkvæðisbærra fulltrúa er mættur á fundinn. Ráðið getur enga bindandi ályktun gert nema fundur sé lögmætur.

8. gr.

Um fundarsköp og málsmeðferð í hafnar- og atvinnumálaráði fer eftir sem við á samkvæmt III. kafla samþykktar um stjórn Bolungarvíkur.

Formaður ráðsins stýrir fundum ráðsins.

Fundir ráðsins skulu jafnan haldnir fyrir luktum dyrum. Ráðið getur boðið á sinn fund einstaka starfsmenn bæjarins sem og aðra til viðræðna um einstaka mál.

Fulltrúar skulu gæta trúnaðar um það sem þeir verða áskynja í starfi ráðsins og leynt á að fara samkvæmt lögum eða eðli máls. Þagnarskylda helst þó látið sé af þessum störfum. Ákvæði þetta á einnig við um aðra fundarmenn.

Hafnar- og atvinnumálaráð skal á fundum sínum taka fyrir þau erindi sem berast, fjalla um þau og gera tillögur um afgreiðslu þeirra til bæjarstjórnar. Á fundum er mál afgreitt með því að samþykkja það eða fella, vísa því frá eða vísa því til afgreiðslu bæjarráðs, bæjarstjórnar eða hafnarstjóra.

Hafnar- og atvinnumálaráð er heimilt að fresta afgreiðslu máls nema um sé að ræða mál sem að lögum ber að afgreiða fyrir tiltekinn tíma. Ráðið getur vísað málum til umsagnar annara nefnda, ráða eða annara aðila.

Fulltrúi á rétt á að fá bókaða stutta athugasemd um afstöðu sína til máls, sem til meðferðar er í ráðinu. Hafnar- og atvinnumálaráð kemur ákvörðum sínum og stefnumótun í framkvæmd með formlegum samþykktum á lögmætum fundum. Formaður eða aðrir fulltrúar hafnar- og atvinnumálaráðs skulu snúa sér til hafnarstjóra eða yfirhafnarvarðar með eftirfylgni staðfesta samþykktá ráðsins.

11. gr.

Ráðið skal halda fundargerðabók og ritari skal færa fundargerð í fundargerðabók. Um ritun fundargerðar gilda sömu reglur og um ritun fundargerða bæjarstjórnar, sbr. 16. gr. samþykktar um stjórn Bolungarvíkur.

Fundargerðir hafnar- og atvinnumálaráðs þarfnast staðfestingar bæjarstjórnar Bolungarvíkur til að teljast gildar. Fundargerðir ráðsins skulu teknar á dagskrá bæjarstjórnar og skal það gert svo fljótt sem unnt er að afloknum fundi. Ef fundargerðir innihalda ekki ályktanir eða tillögur sem þarfnast sérstakrar staðfestingar bæjarstjórnar eru fundargerðir lagðar fram til kynningar.

12. gr.

Hafnar- og atvinnumálaráð skal í allri sinni ákvarðanatöku hafa hagsmuni allra íbúa að leiðarljósi. Það leggur þær skyldur á fulltrúa í ráðinu að setja ávallt almannahagsmuni ofar sérhagsmunum, hvort heldur sínum eigin eða einstakra hópa er þeir tengjast eða tilheyra.

Fulltrúi hefur ekki atkvæðisrétt um mál sem varða hann sjálfan eða náði skyldmenni hans og skal hann í slíkum tilvikum víkja af fundi. Um hæfi fulltrúa og starfsmanna hafnar- og atvinnumálaráðs gilda ákvæði vísast til 20. gr. sveitarstjórnarlaga nr. 138/2011, sbr. og II. kafli stjórnsýslulaga nr. 37/1993 og 17. gr. samþykktar um stjórn Bolungarvíkur.

13. gr.

Hafnar- og atvinnumálaráð hlutast ekki um daglegan rekstur og starfsemi þeirra stofnana sem heyra undir ábyrgðar- og eftirlitssvið ráðsins. Hafnar- og atvinnumálaráð hefur umsjón með framkvæmdastjórn þeirra stofnana sem undir ráðið heyra. Ráðið gerir tillögu til bæjarstjórnar að fjárhagsáætlun þeirra stofnana sem undir það heyra.

Ráðið hefur ekki boðvald yfir starfsfólki stofnana. Ráðið skal fjalla um umsóknir og gefur rökstudda umsögn til bæjarstjórnar vegna ráðningar forstöðumanna. Ákvörðun ráðningar annara starfsmanna er á ábyrgð og í valdi viðkomandi forstöðumanns.

14. gr.

Erindisbréf þetta hefur verið samþykkt í bæjarstjórn Bolungarvíkur og tekur gildi þann 11. mars 2025.